

萬 有 文 庫

第二集七百種

王 雲 五 主 編

讀史方輿紀要

(五十)

顧祖禹輯著

商務印書館發行

讀史方輿紀要

(五十)

顧祖禹輯著

萬有文庫

第三集七種

總編 蔡 者

王 雲 五

商務印書館發行

讀史方輿紀要

卷四十二

山西四

汾州府。

東至潞安府四百四十里。又東南至沁州四百八十里。又南至平陽府三百九十里。又西南至平陽府隰州二百七十里。東北至太原府一百里。自府治至布政司五百九十里。至京師一千三百八十里。

禹貢冀州地。春秋時屬晉。戰國屬趙。秦屬太原郡。二漢屬太原及西河郡。魏因之。晉爲西河國。後魏曰西河郡。兼置汾州。北齊改南朔州。後周改爲介州。而西河郡如故。隋初郡廢。煬帝復改介州爲西河。唐初改爲浩州。武德三年改爲汾州。天寶初曰西河郡。乾元初復曰汾州。五代末屬於北漢。

周顯德初侵北漢得之。置寧化

軍。兼領石沁二州。旋入於北漢。

宋仍曰汾州。

亦曰西河郡。

金因之。兼置汾陽軍。元復爲汾州。屬太原路。明初以州治西河縣省入。

直隸山西布政司。萬歷二十三年升爲汾州府。領州一縣七。

府控帶山河。肘腋秦晉。戰國時秦趙相持。往往角逐於此。東漢之季。西河尤爲多事。迨於劉淵發難。中

原陸沉禍亂之徵未始不自西河始也。周齊爭勝於河汾間。郡常爲兵衝。隋大業之末。唐乾符以後。太原南指。未有不以州爲中頓。平陽北向。未有不以州爲啓途者也。北漢保河東。州尤爲肘腋重地。宋人於嵐石隰三州以至黃河。皆置城戍關。杜河外入麟府路以捍夏人。蓋西北有事。府爲必備之險矣。

汾陽縣

附郭。漢茲氏縣。屬太原郡。魏置西河郡於此。晉改縣曰隰城。屬西河國。後魏亦爲西河郡治。又置汾州治蒲子城。孝昌中。移治隰城。隋仍爲介州。唐上元初。改曰西河縣。宋以後因之。明初省。萬歷中建汾州府。因改置今縣。城邑考。府城一名四陽城。世

傳曹魏所築。四面皆向日也。元至正十二年重築。明朝景泰二年。因舊城增修。城周九里有奇。編戶九十五里。

隰城故城

府西七十里。漢縣。屬西河郡。晉屬西河國。或云三國魏省隰城入茲氏。晉改茲氏曰隰城。後魏主肅延和三年。如美稷。途至隰城。大破山胡白龍於西河。是也。東魏僑置靈州於隰城縣外。後周廢。又故茲氏城。志云在府南十五里。漢縣治

此。一名甄子城。魏收志。太和八年。復置西河郡。治茲氏故城。孝昌中。以吐京五城。定陽等郡陷沒。皆寄治西河。今其地名鞏邨。有故城遺址。八門城在府北十五里。志云。劉淵遣將喬嵩攻西河。因築此城。城有八門。故名。又有偏城。在府西南五十里。廣城邨

後。趙時築此以防西北諸部。其城北占山阜。南臨絕澗。有

欹側之狀。因名。又祝融城。在府治西。相傳祝融氏所居。

美稷城

在府西北。漢美稷縣。屬西河郡。本治今廢勝州西。後漢中平中。以寇亂南徙五百餘里。卽此城也。尋廢。○牧師城在府西北境。西邊郡皆置牧師苑以養馬。此卽西河郡牧苑也。或曰亦在今廢勝州境。後沙。永元六年。匈奴大帥逢侯叛。南單于師子

與漢中郎將杜崇屯牧師城。是也。後亦移置於府境。其地廣斥宜畜牧。宋治平中。

崔台符按汾州。得牧地三千二百頃。明年移沙苑馬五百牧於此。卽古牧師地矣。

隱泉山。府北四十里。山有湯泉。一名湯泉山。或謂之謁泉山。上有石室。相傳子夏所居也。俗謂之子夏山。與太原府文水縣接界。今詳見文水縣。○比干山在府西北九十里。相傳紂使比干築城於此。

萬戶山。府西二十里。延袤二十里。高八十丈。平坦可居萬戶。因名。又柏山在府西五十里。上多柏樹。一名將軍山。相傳石趙將趙鼎者禦敵戰死於此。因名。○石室山在府西三十里。山多巖窟可居。又府西北三十里有白彪山。其山石壁巉巖。峯巒聳秀。林

木叢茂。泉流飛湧。洞壑層啓。村墟聯附。爲州之勝。相傳昔有騶虞見此。亦名騶虞山。

汾水。府東二十五里。自太原府汾水縣流入界。又流經平遙。介休。孝義縣。而西南入靈石縣境。詳見大川。

文水。府東北五十里。亦自文水縣流入縣境。一名文谷河。亦曰萬谷河。至府東十五里。謂之西河泊。亦謂之文湖。水經注。文湖東西十五里。南北三十里。湖西側有一城。謂之瀦城。瀦澤所聚也。蓋卽水以名城。湖亦謂之瀦城。其水東入於汾。宋熙寧初。詔復

汾州西河。瀦在城東。周四十里。舊時旱則引以溉田。雨以瀦水。兼有菱芡蒲魚之利。可給貧民。前轉運使王公廢爲田。人以爲病。至是從御史劉述言復之。卽文湖也。

禹門河。城四十里。西山諸谿之水會流於此。謂之河口。伏流潛注。東入於文湖。相傳禹導洪水至此。因名。又有麻屈水。亦在府西十里。平地湧出。灌漑田畝。民賴其利。又原公水。亦曰源公澗。又名壺溪水。源出白彪山麓。沿山南注。至谷口。轉折而東。歷城東北數十里。溉田萬畝。東南注於文湖。志云。原公水在府馬跑泉。亦曰賀魯水。相傳有胡魯將軍者。駐師白彪山。馬跑泉湧。因名也。○向陽水在府西三十里。一名懸泉水。源出向陽峽。下流合於原公水。今澗。又府南十里有清溝水。一名董師河。城北八里有賈家莊泉。亦流合焉。居民引以灌田。下流東注於汾水。

善利渠

在府西南。西山諸泉源會流爲渠。東西首尾凡百餘里。有灌漑之利。又靈浮泉。在府西南四十里。亦東流合諸山泉。引流溉田。

臨汾宮

府東十五里。隋大業四年。建以避暑。蓋據文湖之勝而爲之。亦謂之汾水行宮。

金鎖關

府西三十五里。一名向陽峽。巖嶮插天。中斷如關。爲汾水咽喉。漢晉以來戍守處也。明初置巡司。尋廢。隆慶初。增築關城。設兵防禦。頗爲嚴固。又黃蘆嶺關。在府西六十里。置關嶺上。憑高爲險。宣德四年。置巡司於此。○康家堡在府東二十里。臨汾

水上有康家堡。

渡路通平遙縣。

孝義縣

在府南三十五里。東至霍州靈石縣三十里。漢茲氏縣地。魏置中陽縣。屬西河郡。晉初因之。永嘉後省入隰城縣。後魏太和十七年。又分置永安縣。仍屬西河郡。北齊省入介休縣。後周復置。隋屬介州。唐屬汾州。貞觀初。改縣曰孝義。以旌縣人鄭興也。五

代周顯德五年。晉州將李謙溥擊北漢破孝義。卽此。宋太平興國初。改縣曰中陽。尋復舊。熙寧五年省。元祐初復置。今編戶三十里。

中陽城

在縣西北。故趙邑。史記。趙武靈王九年。秦伐我。取西都及中陽。又惠王十四年。與秦會中陽。亦曰西陽。秦紀。惠文王後九年。取趙西陽。亦中陽也。漢置中陽縣。屬西河郡。魏因之。永嘉中廢。括地志云。中陽在隰城縣南。

吳城

縣西南七十八里。戰國時。魏吳起爲西河守。築此城以拒秦。因名。近時賊據吳城。從向陽峽窺汾州。卽其處也。又虞城在縣東北十里。又有虢城。在縣北十里。俗譌爲瓜城。相傳晉滅虞。虢遷其人於此。築城居之。因名。○魚城在縣北十九里。或云。後魏末。

六鎮擾亂。置城於此爲戍守處。又有東多城。在縣北二十里。魏收志。永安中。置眞君郡。治東多城。是也。又團城。在縣西北十八里。舊經云。團城。後魏孝昌中所置。魏收志。武定四年。置武昌郡。治團城。

六壁城

縣西南十五里。後魏書太平眞君五年討叛賊於六壁。水經注勝水東經六壁城南。魏朝置六壁於其下。防離石諸部。因爲大鎮。太和中罷鎮。置西河郡。志云六壁者。縣所轄貞壁、賈壁、白壁、許壁、柳壁并六壁爲六也。魏收志永安中置顯州治六壁。城領定戎、建平、眞君等郡。後周省。唐爲府兵所居。曰六壁府。

狐岐山

縣西北八十里。禹貢治梁及岐。孔氏以爲岐。狐岐山也。蓋洪水懷襄大河氾濫至此山下云。一名薛頡山。勝水出焉。○白雀山在縣西八十里。峯巒高峻。又縣西一百六十里有上殿山。高峻爲汾隰諸山之冠。

雀鼠谷

冀州圖經谷在縣南二十里。長一百一十里。南至臨汾郡霍邑界。汾水流經谷內。卽周書調鹽谷云。今詳介休縣。○安生原在縣南十里。舊經土地沃饒。有西河之美者。惟安生原耳。

汾水

縣東二十里。自汾陽縣流入。與介休縣接界。志云縣東三十里。汾河上有比干臺。紂遣比干於騶虞山築臺避暑。此其遺跡云。

勝水

在縣南二里。源出狐岐山。東南流至縣西十里。曰勝水陂。亦曰元象泊。以昔有里人元象者有孝行。躬耕於此而名。縣境之水。匯於此陂。又東注於汾水。志云勝水一名孝水。在縣西十五里。○義水在縣北十五里。亦出狐岐山。東流經此。一名行春川。流

入汾陽縣境。分爲善利、得利、豐義、紫金五渠。堰其溉田數百頃。又東入於汾。縣名孝義。以此二水也。

土京水

出縣西南十五里土京谷。一名西陽水。水經注勝水東合陽泉水。水出西山陽谿。東經六壁城北。又東注於勝水。卽此水也。又左水在縣南二十里。一名賈願水。今涸。又板谷水。在縣西北二十八里。東流入勝水陂。

白龍渠

在縣西二十里白壁關。居民引以溉田。又有三泉。在縣西二十八里。東流入板谷水。溉田可十餘頃。○普濟渠在縣南十五里。志云縣西七十里有玉泉山。泉如漱玉。引流溉田。卽普濟渠也。又潤民渠。亦在縣南。自縣西引勝水灌附郭諸邨田。民賴

利其

溫泉鎮

縣西九十里。卽隰州之廢溫泉縣也。志云其地有高唐山。溫泉出焉。鎮南通吉。隰諸州北連寧鄉。永寧之境。爲往來襟要。有巡司戍守。

平遙縣

府東八十里。東至太原府祁縣五十里。漢平陶縣。屬太原郡。後漢及魏晉因之。故縣本在今太原府文水縣界。後魏移置於此。改曰平遙。仍屬太原郡。隋屬介州。唐屬汾州。宋因之。今編戶五十八里。

京陵城

縣東七里。城壕記周宣王北伐獫狁時所築。漢置京陵縣。屬太原郡。或曰漢縣本置於太原北。在今忻州西。建安中。改置於此。魏晉因之。後廢。唐置京陵府。以居府兵。杜佑曰。隰城有漢京陵城。誤也。又清世城在縣南。隋開皇十六年。析平遙縣置清

世縣。屬介州。

大業初廢。

中都城

縣西十二里。西南至介休縣五十里。春秋昭二年。晉侯執陳無宇於中都。戰國時屬趙。亦謂之西都。趙世家。武靈王九年。秦拔我西都。括地志。晉中都故城在今平遙縣。漢置中都縣。在今太原府榆次縣境。是也。○羌城在縣西北四十里。志云。漢建

安中。築此以居羌人。又思歸城在縣東三十里。劉

淵攻劉琨於太原。築壘拒守。因思歸而夜遁。故名。

蔚州城

縣西北二十五里。後魏末。僑置蔚州。遷蔚州民居此。後周廢。城壕記謂之屈頓城。昔漢武帝於汾隄側屈曲爲頓。後因汾水泛溢廢壞。後魏於其地僑置蔚州。今城址猶存。○青城在縣東二十里。又有亭岡城在縣南二十八里。下有亭岡水。或曰皆

後魏所置也。又來城。城壕記在縣

西二十三里。相傳後漢來歙所築。

超山。縣東南四十里。一名過山。以高聳超過羣山而名。又麓臺山。在縣南四十里。爾雅山足曰麓。土高曰臺。一名蒙山。又名謁戾山。山海經謁戾之山。嬰澗水出於其陰。是也。

汾水。

縣西五十里。與汾陽縣接界。縣境諸水悉流入焉。○中都水出縣東二十里。中都谷橫嶺下。西流合源祠水。經城南。入鄆城泊。亦名城東水。以成化中泛漲北流。經縣城東。而西入於汾也。今有中都堰。在縣東南一里。又原祠水。在縣東南十五里。平地湧

出。灌溉民田百頃。合中都水以入於汾原。上有祠。因名。

鹵澗水。

出縣東南二十里之朱坑。流經縣東。分爲二十四池。灌溉民田。又嬰澗水。在縣東三十里。亦流合中都水入汾。又亭岡水。在故亭岡城南。志云。源出亭岡谷。流合鄆城泊。○張趙泊在縣西北三十里。一名壤公泊。又鄆城泊在縣南。與介休縣接界。又

東接祁縣昭餘祁蔽。亦謂之鄆澤云。

普同關。

在縣南五十里。普同谷口。東南接綿上關。達沁源縣。西抵關子嶺。南入岳陽縣。爲往來要地。洪武五年。置巡司戍守。

介休縣。

府東南七十里。東北至太原府祁縣九十里。北至文水縣八十里。晉大夫士彌牟邑。秦置介休縣。以介山爲名。漢屬太原郡。晉屬西河國。後魏仍屬西河郡。東魏興和二年。析置平昌縣。兼置定陽郡。後周改郡曰介休。以介休故縣省入平昌。隋初郡廢。開

皇十八年。又改平昌曰介休。義寧初。復置介休郡於此。唐初又改爲介州。貞觀初州廢。以縣屬汾州。宋因之。今編戶四十五里。

介休城。

在今縣東南十五里。漢縣治此。後周建德五年。自平陽進攻晉陽。周主邕與宇文憲會於介休。卽此。今城東魏所置平昌縣也。隋改置介休於平昌。故城遂廢。

鄆城

縣東北二十七里。春秋時晉邑。魏獻子以司馬彌牟爲鄆城大夫。史記曹參從韓信擊趙相夏說於鄆東大破之。又圍趙別將軍於鄆城中。漢置鄆縣屬太原郡。晉及後魏因之。北齊廢。志云故鄆城歷隋唐至宋始圯於水。城北接文水東接祁縣境。

隨城

地志在縣東。春秋時晉邑也。隱五年曲沃莊伯伐翼。翼侯犇隨。後爲士會食邑。又平周城在縣西四十里。十三州志戰國時魏邑也。梁襄王十三年秦取我曲沃平周。卽此。又郡志云縣東四十五里有武城。秦遣武安君白起伐趙經此。因名。今有武城水。

○板橋城在縣西北十八里。郡國志劉淵擊劉琨於此。其城阻水以板橋爲渡。因名。又開遠府在縣西北八里。華夏府在縣東北三十里。皆唐置以居府兵。

介山

縣東南二十五里。一名介美。以介子推隱此也。山南跨靈石西跨沁源盤踞深厚亦曰綿山亦曰綿上。晉文公求介子推不獲以綿上爲之田。是也。又襄十三年晉侯蒐於綿上以治兵。二十九年齊高豎奔晉晉城綿而寘旃。今亦曰橫嶺。又忌坂在縣西

南十二里。相傳子推被焚處也。○洪山亦在縣東南二十里。石洞水出其下。志以爲狐岐山也。

天峻山

縣東南十五里。以高峻入雲而名。又蠶簇山在縣東南三十里。勢極高。形如蠶簇。又抱腹巖在縣西南四十里。羣峯迴繞澗水環流石梯峻險松柏交加形如抱腹。因名。

雀鼠谷

縣西南二十里。水經注汾水南過冠尉津。俗謂之雀鼠谷。數十里間道皆險隘。水左右悉結偏梁閣道。累石就路。繫帶巖側。或去水一丈或高六丈上帶山阜下臨絕澗。俗謂之魯般橋。蓋古之津隘。今之地險也。後周建德五年周主邕攻晉州軍於

汾曲。分遣宇文憲將兵守雀鼠谷。隋大業十三年太原留守李淵破賊甄翟兒於雀鼠谷。十三年李淵起義兵由西河入雀鼠谷。唐武德三年劉武周陷介州。唐將姜寶誼等戰於此。兵敗被虜。旣而世民擊武周追破其將宋金剛宿於雀鼠谷西原。又開元十一年北巡并州經雀鼠谷。谷蓋當往來之要路。

東嶺谷

縣東南四十里。四圍皆山。中有石磊。橫空數仞。周廣三里。巖頂有泉。倒流如瀑布。謂之懸泉。流爲白牛泓。濬深莫測。又有黑龍池。水色常黑。其下流皆注於汾河。○西嶺谷。縣東南二十里。有西谷水。東谷之水流合焉。又有沂陽谷。在縣西四十里。有

沂陽水。東流

入於汾水。

度索原

在縣東南介山下。唐初裴寂攻劉武周將宋金剛於介休。寂軍於度索原。營中飲澗水。金剛絕之。士卒渴乏。寂欲移軍就水。金剛縱兵擊之。寂死亡略盡。○千畝原。在縣南。亦曰千畝聚。周宣王九年。戰於千畝。王師敗績於姜氏之戎。又晉穆侯十年。

戰於千畝。有功杜氏。

曰。其地在介休縣。

汾水

縣西二十里。志云。縣西北五十里有大宋渡。亦汾河渡口也。南流二十餘里。爲小宋曲。又南流與孝義縣接界。縣境諸水。悉流入焉。○謝谷水。在縣西南十里。源出谷南磨子溝。平地湧出。大小十數泉。流入谷中。灌十餘畝。田至小宋曲。北入汾。

洪山水

縣東南二十里。一名石洞水。源出洪山。或謂之勝水。四泉並發。四時不竭。宋文彥博引爲東中西三渠。灌自城以東數畝之田。凡九十餘頃。西北流注於汾。又三道河在縣東北六里。平地出泉。分流爲三道。下流入汾。又瑤石澗。亦在縣東南二十里。

源出綿上箭桿嶺。

下流入於汾。今涸。

鄔城泊

縣東北二十里。與平遙縣接界。流合中都水。注於汾河。或謂之蒿澤。隋仁壽初。漢王諒以趙子開敗於蒿壁。大懼。自將衆十萬拒楊素于蒿澤。旣而退守清源。高壁見靈石縣。○小橋泊。在縣東北十八里。亦西入汾河。又龍泉。在縣西南二十里。平地

湧出。北流入汾。又有灰柳泉。在縣東

二十里。石洞邨。引渠灌田。西北入汾。

子嶺關

縣東南六十里。路出沁源縣。洪武五年置巡司戍守。○張難堡在縣北。昔人築堡自守處也。唐初世民敗宋金剛於介休。追數十里至張難堡。是也。

石樓縣

府西南二百里。南至隰州九十五里。漢西河郡土軍縣地。後漢省。後魏太平眞君中置嶺西縣。屬吐京郡。太和二十年改縣曰吐京。隋開皇初郡廢。十八年改爲石樓縣。屬隰州。唐初于縣置西德州。貞觀初州廢。縣屬東和州。二年州復廢。縣仍屬隰州。宋以後因之。萬歷二十三年改今屬。編戶十三里。

土軍城

縣西三十里。漢縣治此。高帝十一年封宣義爲侯邑。又武帝封代共王子郢客爲土軍侯。後漢廢。亦曰吐京城。音譌也。晉義熙九年吐京部與離石部出以眷叛。降夏王勃勃。勃勃因置吐京護軍於此。後魏將婁伏連襲殺之。宋元嘉二十二年魏主

濇如上黨。西至吐京。又蕭齊建武三年後魏吐京部反。旋擊平之。

寰宇記。城在團圓山下。其城圓而不方。俗謂之團城。隋遷今治。

長壽城

縣東五里。舊唐書。武德初置長壽縣。屬西德州。貞觀初縣廢。謂之長壽村。五代周廣順初。北漢劉承鈞自攻晉州。不克。移軍隰州。隰州將孫繼業迎擊之於長壽村。敗之。卽此寰宇記。縣北六里有夷吾館。卽晉公子夷吾所居也。後魏孝文置長壽縣於此。志云。夷吾館在縣東二十五里。○臨河城在縣東六十里。唐初置臨河縣。屬西德州。貞觀初廢。或以爲後周所置。誤也。

團圓山

縣西北三十里。山頂高而狀圓。因名其山。東西長一百八里。有小蒜谷。勝水泉出焉。北流六十里入黃河。又有百泉谷。在山之分水嶺下。泉約百餘派。西流八十里入黃河。○翠金山在縣南三十里。一名臺駘山。上有臺駘神廟。

石樓山

縣東南六十里。蒲水出焉。流入隰州界。隋以此山名縣。○龍泉山在縣南。接隰州界。水經注。龍泉出吐京城東南道左山下。牧馬川上。多產名駒。亦名屈產泉。卽晉獻公以屈產之乘假道於虞者。志云。屈產泉在縣東南四里。又黃雲山在縣東六十

里與縣東南
牛心山相接

黃河

在縣西百里從寧鄉縣流入界過
上平關又南入隰州永和縣界

土軍川

在縣西五十里源出團圓山有土軍谷亦曰吐京谷西達於大河縣境諸水悉流合焉或譌爲統軍川後周主邕建德五年自將攻晉州分遣達奚震守統軍川卽此

上平關

縣西北九十里下臨黃河路出陝西綏德州五代梁開平二年李茂貞遣延州帥胡敬璋攻上平關爲梁將劉知俊所敗卽此今有巡司戍守

永寧關

縣西北九十里下臨黃河路通陝西青澗縣又窟龍關在縣東北六十里東接孝義縣南接隰州北抵寧鄉縣二關國初俱置巡司戍守今革

臨縣

府西北二百里北至陝西吳堡縣三十里東北至岢嵐州興縣一百八十里漢離石縣地屬西河郡後周置烏突縣兼置烏突郡治焉隋郡廢縣改曰太和屬石州唐初改爲臨泉縣置北和州治焉貞觀三年州廢仍屬隰州宋初因之乾符三年改屬晉寧金

仍屬石州至元中統二年改屬太原府三年升爲臨州明

初改曰臨縣仍屬太原府萬歷中改今屬編戶十七里

修化城

在縣南後周置窟胡縣兼置窟胡郡治焉隋初郡廢改縣爲脩化屬石州唐省又縣東南有廬山廢縣亦後周置大業初并入脩化縣

連枝山

縣東七十里枝脈蔓衍連接羣山亦謂之磨盤山志云山周六百餘里近時官軍逐賊於此賊據險拒守官軍不能克又黃雲山在縣東北三里榆林河出焉

車突谷

在縣東北。志云：後周置烏突縣，蓋以車突谷而名。北魏孝文太和二十一年，吐京部反，汾州刺史元彬遣軍擊破之，追至車突谷，又破之，卽此。

黃河

縣北二十里，自崑崙州興縣界流入，又西南入永寧州境。○榆林河在縣東北，源出黃雲山，下流入於黃河，又有臨泉水在縣治北，亦流入於大河。

尅湖寨

縣西北百二十里，黃河東岸，路通陝西葭州。古置浮梁，今以舟濟。金大定中，築城屯兵於此，以防夏人。元廢。明朝洪武五年，置巡司，其南二十餘里有曲峪村渡，又南三十里有郭家塔渡，南四十里有堡子峪渡，俱通葭州。又南十二里有索達安渡。

路通陝西

吳堡縣

永寧州

府西北百六十里，南至平陽府隰州二百五十里，西至陝西綏德州二百五十里，北至太原府崑崙州二百五十里，東北至太原府三百九十里。

春秋時白翟地

齊語：桓公西征，攘白翟之地，至於西河，卽州境也。

戰國初爲趙之離石邑，後爲秦魏二國之境，秦屬太原郡，兩漢屬

西河郡，晉屬西河國，劉淵倡亂於此，後趙石勒置永石郡，後魏爲離石鎮，北齊置懷政郡，又改爲離石

郡，兼置西汾州，後周改西汾爲石州，而郡如故，隋初郡廢，州存，煬帝又改爲離石郡，唐復爲石州，天寶

初曰昌化郡，乾元初復故，宋因之。

亦曰昌化軍。

金屬太原府，元仍屬太原路，明洪武三年，以州治離石縣省。

入仍曰石州。屬太原府。萬歷二十三年。改爲永寧州。

編戶四
十里

屬汾州府。領縣一。

州重山合抱。大川四通。控帶疆索。鎖鑰汾晉。誠要區也。邊防攷。州西踰黃河。卽延綏邊地。北邊偏老。最屬要衝。而黃蘆嶺尤爲險阻。嘉隆之間。敵往往入寇。州境被其蹂躪。防維不可不密矣。

離石廢縣。

今州治。戰國時趙邑也。周赧王三十四年。秦取趙離石。此卽離石地。漢置縣。屬西河郡。漢初破匈奴。追至離石。匈奴復聚兵樓煩北。是也。武帝封代共王子綰爲侯邑。後漢爲西河郡治。東觀記。西河郡治平定縣。離石在郡南五百九里。

永和五年。以匈奴寇掠。徙郡治離石。晉亦曰西和國治。永興初。爲劉淵所據。石趙置永石郡於此。後魏太和二十年。北巡還至離石。置石城縣。屬伍城郡。高齊置昌化縣。後周改爲離石。隋以後因之。明初省州城。景泰元年。因故城脩築。周九里有奇。

定胡城。

州西二十里。本漢離石縣地。後周置定胡郡及縣。隋初郡廢。縣屬石州。唐武德三年。置西定州於此。貞觀二年。州廢。縣仍屬石州。宋因之。大觀二年。改屬晉寧軍。金仍屬石州。明昌六年。改爲孟門縣。元廢。又孟門城在定胡廢縣西。唐貞觀三年。分定

胡縣地置孟門縣。七年省。○方山城在州西北七十里。隋義寧初。置方山縣。唐武德二年。置方州。貞觀三年。州廢。縣仍屬石州。宋因之。金志。貞祐三年。徙縣於積翠山。山蓋在故縣北。元省。郡志云。方山城在州北百四十里。

蘭城。

在州西。戰國時趙蘭邑也。戰國策。智伯之趙。請蔡皋狼之地。鮑氏曰。蔡當作蘭。趙世家。成侯三年。魏敗我蘭。武靈王十三年。秦拔我蘭。又武靈王曰。先王取蘭郭。狼郭。狼卽皋狼矣。漢置蘭縣。屬西河郡。武帝封代共王子罷軍爲侯邑。後漢因之。魏廢。○皋

狼城在州西北。史記趙世家。孟增幸於周成王。是爲宅皋狼。索隱謂居以皋狼之地也。漢置皋狼縣。屬西河郡。武帝封代共王子遷爲皋狼侯。邑於此。狼作琅。後漢亦爲皋狼縣。魏廢。

穀羅城

在州北漢縣屬西河郡。漢廢。永和六年，匈奴引烏桓作亂，使匈奴中郎將張耽等率鮮卑到穀城，擊烏桓於通天山，大破之。胡氏曰：穀城即穀羅城，通天山即晉嵐州興縣之石樓山。

左國城

州東北二十里。晉時匈奴左部所居城也。載記：後漢建武初，南單于入居西河之美稷，今離石之左國城，單于所徙庭也。晉城都王穎拜劉淵為北單于，淵自鄴還至左國城，繼而自離石徙都焉。杜佑曰：離石有南單于庭左國城。○廬城，寰宇記在

州治東

里。晉劉琨所築，以攻劉曜，遺址尙存。

呂梁山

州東北百里。禹貢治梁及岐。孔氏曰：梁，呂梁山也。呂氏春秋：龍門未闢，呂梁未鑿，河出孟門之上，是也。俗名穀積山，與太原府交城縣接界。東川河出焉。○方山在州北故方山縣界，縣以此名。文水出焉，流入太原府交城縣。又州境有步佛山，宋初

王忠植以河東步佛山忠義士復石代等十一州，授河東經略安撫使，是也。

赤硤山

州東北三十里。亦曰出硤嶺，高歡遣竇泰自晉陽襲爾朱兆于秀容，兆走，追破之於赤硤嶺，是也。亦曰赤硤岡。王象之曰：離石山一名胡公山，又爲赤洪嶺，故離石水亦名赤洪水。○仙洞山在州西南五十里，一名白馬仙洞，洞深遠，中有龍淵，又烏

崑山在州西南二十里，下有烏崑泉。

志云：州北二十里又有三陽雲鳳山。

黃櫨嶺

在州西北八十里。高齊天保三年，自晉陽如離石，自黃櫨嶺起長城北，至社平戍，四百餘里，置三十六戍。社平，齊記作社子，蓋在今朔州之廢代州。又斛律金傳：黃櫨嶺在烏突戍東，蓋與今臨縣接界，亦作黃櫨嶺，今爲戍守要地。

大河

州西百十里，有官采園渡，路出陝西綏德州。志云：大河自臨縣流入界，又南入寧鄉縣境。